



QUÆSTIO

MEDICO-CHIRURGICA

Pro Primâ Apollinari laureâ consequendâ
proposita

AB ILLUSTRISSIMO VIRO D. D.

JOANNE CHASTELAIN

Regis Consiliario & Medico, nec-non in Almâ Monspe-
liensium Medicorum Academiâ Professore Regio dignissi-
mo, & Decano Plurimùm Venerando.

SUB HAC VERBORUM SERIE

An, Hæmorrhoidibus Inveteratis Operatio Chirurgica.

Quam Deo duce & auspice Deiparâ propugnabit in Augustissimo Mons-
pelienſis Apollinis fano, Die mensis Maii anno 1714. ab horâ
octavâ ad Meridianam, JACOBUS MATHIJLON Lugdunensis,
Artium Liberalium Magister & jamdudùm Medicinæ Studiosus.

HÆMORRHOIDUM nomine, varicosos venarum Hæmor-
rhoïdaliū tumores intelligimus, quos dolor ut plurimùm-excre-
tionis præsertim tempore comitatur. Dividuntur in internas &
externas, externæ extra anum positiæ facillè videntur; internæ in
recti cavitate latentes oculorum aciem effugiunt; has tamen videre quando.

que contingit, dùm rectum à fæcibus summopere laceffitum suarum constrictione fibrarum ad expulsionem insurgens, extra anum inversum se prodit. Utræque cæcæ sunt, vel apertæ; cæcæ humorem nullum effundunt, sed dolore acerbo ægrotantem molestant, urgente præsertim fæcum excretionem. Sanguis ex apertis effluit, minùsque doloris ægrotantes patiuntur. Rursus propter similitudinem quam habent cum uvis, moris, aut verrucis dividuntur in ^{tumor} uivales, morales, verruciales; plures, aut pauciores sunt. Unicus interdum apparet. Præterea pessimi nonnunquam sunt moris, undè aliæ exulceratæ, cancrøsæ, aut sphacelo correptæ.

Quod arteriis aneurisma est, venis idem varices; in utroque tumore, præternaturam expansæ vasorum tunicæ, aliquid sanguinis præterfluentis à motu progressivo divertunt, quo inflatæ in tumorem assurgunt. Rariùs quidè in arteriis, sæpiùs in venis, quia sanguis venosus arterioso crassior lentius in venis volvitur, & tunicæ earum debiliores sero admissio laxitatem faciliùs contrahunt. Verum quàm facilè venæ Hæmorrhoidales varicosæ fieri possunt, sciet ille qui laxum earum contextum atque anfractus Anatomiam noverit, & ad sanguinis in ipsis contenti crassitiem attenderit, cum enim sanguis per arterias Hæmorrhoidales ad rectum delatus per insignem ejusdem nominis venam ad portam redux non fiat nisi priùs per flexuosa & laxa vasa trajectus fuerit; manifestum est sanguinem in suo transitu magnum sui motus impendium facturum, quo destitutus ad Hæmorrhoidalem venam non nisi tardiùs pervenire poterit. Præterea hunc sanguinis ab ano ad portam reditum peristalticus quadantenùs remorabit intestinorum motus, quotiès sanguis crassitie donatur. Quoniam enim vermicularis intestinorum motus à piloro ad anum sursum deorsum tendens successivè absolvitur; necesse est ut sanguis ex ano ascendenti apponatur. Mirum igitur nemini videatur venarum Hæmorrhoidalium varices in omni sexu contingere; cum enim sanguis Hæmorrhoidalis crassus & viscidus per flexuosos venarum anfractus priusquam redux ad portam fiat trajiciatur, facta motus deperditione in quolibet anfractu angulo ibi hære & accumulari facillimè poterit, potissimum si aliquam ob causam inferius recensendam laxatæ venarum tunicæ sanguinis hærentis impetui minùs resistent. Tunc quoniam major sanguinis quantitas ab arteriis devehitur quàm per venas reduci possit, quæ pars venarum laxior erit accumulato sanguine intumescet: unde unus, vel plures simul varicosi tumores, prout una vel plures simul venarum partes laxæ, aliquid præterfluentis sanguinis à motu progressivo deflectent. Pater ergo ad varices duo necessariò requiri; laxas Hæmorrhoidales venas elasticâ vi destitutas & sanguinem laxas venarum partes in tumores attollentem.

Quoniam verò sanguis per arterias continuò ad laxas venarum partes appellit, necesse est ut aliquâ sanguinis portione retentâ, varices ulteriùs intumescant; donèc venarum tunicæ vehementer tensæ, humorum accedentium copiam atque impetui resistere valeant. Varices autem hanc quandoquæ acquirunt magnitudinem ut recti cavitationem penitus fermè repleant, aut ur-

thram comprimentes, facili urinæ excretioni noceant. Verùm tunicæ venarum in varicibus citra inflammationem & dolorem sic tendi nequeunt: quia vasa sanguifera quibus ipsæ componuntur, sanguinem in suâ cavitate diutiùs retinent; nervique majori tensione ad fortiores succussiones dispositi, à sanguine in varice hærente, aut materiis recti cavitatem præterlabentibus præter modum afficiuntur. Hinc major aut minor Hæmorrhoidum dolor promajori aut minori varicosi tumoris inflammatione, sanguinis & materiæ rectum, præterlabentis acrimoniâ, nam verosimilè videtur, humorem è glandulis tumori varicoso vicinis in recti cavum delabentem, varices inflammatas dolorem irritando parere, si acrimoniæ cujusdam ipse sit particeps. Diversa doloris species, quæ Hæmorrhoidibus socia jungitur, à variâ sanguinis in varice hospitantis constitutione & motu, nec-non diversi humoris è vicinis glandulis stillantis, materiæque recti cavitatem præterfluentis iudole repeti debet. Dolor Hæmorrhoidum non æquè & assiduè ægrum molestat, identidem quiescit & intenditur, sic quasi sopitus alvi depositione recrudesceat: quia alvinæ fæces Hæmorrhoides confricatione irritant, præsertim si sicciore & crassiores sint. Exacerbatur adhuc exercitiis, animi pathematis, spirituosius assumptis, omnibus demùm quæ sanguinis motum intendunt: quia accelerato sanguinis motu, major ejusdem copiam ad varices appellit. Idem valida purgantia faciliùs efficient tum sanguinis motum augendo, tum humores mordaces & salsos per alvum detrudendo: sic diarrhæa dolorem Hæmorrhoidum intendit.

Hæmorrhoides per menses & annos indefinenter non tument. Tunicæ venarum dolore laceffitæ, uberiori accersito spirituum influxu adversus hospitantem sanguinem potentiùs insurgunt, præsertim si quantitas ipsius aut qualitas aut utraque simul remediis tum internis tum externis emendatur; tunc venarum vi elasticâ cedens, ad promptiorem urgetur exitum, varicesque minùs tumentes relinquit: imò quiete solâ nulloque adhibito interno nec externo remedio varices sanguine se se interdum exonerant: nec morbus perfectè sanatus, sed tautum sopitus acriùs recrudesceat, & per periodos modò regulares modò irregulares recurrit, nisi laxatæ venarum partes ~~deferantur~~ ^{aut} vel in membranas mollesque appendices extra anum sæpè pendentes abeant. Verùm varices sanguine exonerati flaccescunt, nec radicitus tamen tolluntur; & ideo tunicæ venarum Hæmorrhoidaliū laxæ novo iterum sanguinis infartu affici possunt modò iste quantitate, qualitate, aut motu peccans copiosius per Hæmorrhoidales arterias quàm per venas reduci possit deferatur; Et ideo equitatio, exercitia, vigiliæ, evacuationes suppressæ, falsa, acria, spirituosia, certâ quantitate assumpta, purgantia validiora exhibita, sopitas Hæmorrhoides renovant.

Gangrena, exulcerata & canerosa dispositio quæ per accidens Hæmorrhoidibus superveniunt, à variis sanguinis affectionibus repeti debent; dum sanguis hospitans quantitate aut intestino motu varices multum dilatat, compressa tunicarum vasa sanguinem nec accipiunt nec expellunt, hinc interrupto circuitu livor quem gangræna brevè consequitur. Si verò humo-

res hærentes falsi & mordaces sint, facta sensim vasorum corrosione, cruor in tunicarum substantiam effusus in pus convertitur, & varices exulcerat. Denum si sanguis crassitiem cum summa acrimonia jungat, exiguos varicosæ venæ portionis ductus & cæteros ipsis vicinos ob retardatum ibi circuitum obstruet, sensim erodet; undè ulcera fætida humorem saniosum effundentia Hæmorrhoides ipsisque vicinas partes obsident.

Sæpissimè tamen fit ut superatâ venarum resistantia sanguis ex Hæmorrhoidibus modò rutilans, modò niger & grumescens effluat. Aliquandò à fæcibus confricatæ Hæmorrhoides non nisi cum alvus deponitur sanguinem fundunt. Quandoque sanguis Hæmorrhoidalis per plures dies indefinenter fluit, qui fluxus per periodos erraticos, rarò verò regulares & certos recurrit. Docet tamen experientia Hæmorrhoidalem fluxum singulis mensibus in viris quibusdam recurrere, nec fæminæ desunt in quibus suppressis catameniiis singulis mensibus supplet, & tunc suppressus morborum quam plurimum parens est; quia Hæmorrhoides veluti emunctorium sunt in quo sæpè natura inutilem & vitiosam sanguinis portionem alternis vicibus deponit. Sine prægresso dolore Hæmorrhoidales varices sanguinem non fundunt: prius enim est eos sanguine turgere quàm disrumpi; cruore autem affuso detumescunt, donec à sanguine denuò repleti ad crepaturam usquè turgeant Hæmorrhoidum tumor temporibus irregularibus accidit, idque potissimum à depravatis sanguinis motu, quantitate & consistentiâ, nam quandoque venæ varicosæ sat roboris habent ut sanguinem nullo modo pecantem ab arteriis acceptum ad portam traducant, sed factò quocumque in motu, quantitate, aut consistentiâ vitio, ut propter exercitia violenta, animi pathemata, assumptorum qualitatem aut quantitatem, aliquam evacuationem suppressam, impares fiunt venæ ut totum sanguinem ab arteriis delatum traducant, undè qualibet cordis contractione, quædam sanguinis ad venas Hæmorrhoidales appellentis portio in varicibus recipitur ac coacervatur, donèc factâ venarum apertione exeat. Si fluxus Hæmorrhoidalis per æquales periodos ut singulis v. g. mensibus in nonnullis recurrat, id à majori venarum Hæmorrhoidalium debilitate, sanguinisque crassitie repetendum: sanguis enim crassus parciores humorum copiam in colatoriis deponit, ergo copiosè per arterias Hæmorrhoidales ad venas pellitur; nec per earum anfractus volvi potest, quin in partibus vi elastica destitutis propter laxitatem, quolibet circuitu aliqua portio relinquatur; quoniam venarum varices certam sanguinis copiam sine ruptione continere possunt, hinc fit ut determinato temporis intervallo ad crepaturam repleantur. In fæminis verò sanguis menstruus ex utero effluere non valens venas Hæmorrhoidales mutato cursu singulis mensibus aperit dùm ipsæ aliis debilitores à sanguine menstrualis retento repleti faciliùs possunt.

Quandoquidem Hæmorrhoidalium varices laxas earundem tunicas necessario supponant, videamus nunc quibus de causis tunicæ venarum Hæmorrhoidalium debilitatâ elastica vi, laxæ evadant. Verum cum nihil in venis agere possit præter sanguinem; patet igitur illud ex vitiato sanguinis

per has venas circuitu repetendum esse. Vitiatur autem circuitus sanguinis dum arteriæ Hæmorrhoidales crassiorem, aut uberiolem solito more sanguinem in venis deponunt, quia venæ arteriis debiliores eandem copiam reducere nequeunt, hæret & qualibet contractione cordis aggestus quantitate suâ venas dilatat præsertim in anfractu angulis, quoniam ibi via difficilior sanguinis circuitum magis remoratur. Idem ab equitatione diuturna accidet, quia venæ compressæ sanguini ex ano redeunti obstant, similiter venæ Hæmorrhoidales à calculo vesicæ aut fœtu in utero contento angustatæ varicosæ evadunt, & ideo mulieres graviditate frequentèr Hæmorrhoides contrahunt, imprimis si partus difficilis sit; quia Hæmorrhoidales venæ magis compressæ, amplius etiam sanguinis remorantur; & liquidum istud tunc motu intestino multum commotum in venarum tunicas validiores impetus facit. Compressio etiam magnæ Hæmorrhoidalis venæ ab obstructionibus mesenterii varicum parens haberi potest, item crassiora & sicciora excrementa in recto vel extremitate coli diu hærentia comprimendo venas. difficilem sanguinis ex ano reditum efficient; violentus & sæpè recurrens colicus intestinorum dolor Hæmorrhoidibus natales dabit, his demum addere possumus laxiorem harum venarum texturam hereditariam aut adventitiam putà ab aquosis materiis per vicinas glandulas distillantibus aut ab aliis intestinis ad rectum sæpius delatis contractum. Cæteras Hæmorrhoidum causas remotas sileo, cum ex superius dictis earum agendi modus satis pateat.

DIAGNOSIS. Hæmorrhoides externæ tactui & visui sunt obviæ, ab aliis tamen affectibus distinguendæ qui ano accidere consueverunt, quales sunt rhagades, condilomata, thimi, fici. Rhagades ulcera sunt in fissuras diducta è quibus humor saniosus effluit. Hæmorrhoides tumores sunt varicosi. Condylomata tumores sunt oblongi, rugosi, pelliculæ concolores. Hæmorrhoides majores, nigrae, & rotundæ sunt venas occupantes. Thimi sunt tubercula carnosæ quæ non modò in ano sed etiam in pudendo virili aut muliebri solent exoriri verrucis consimilia, coloris candidi, vel subrubri & doloris expertia. Hæmorrhoides nigriores sunt, & ut plurimum dolorosæ. Ad ipsas fici similitudine magis accedunt, qui tubercula carnosæ sunt livida & dolorosa, à quibus Hæmorrhoides differunt, quia sedem habent in venis sanguine turgidis ac dilatatis. Tacemus cristas hoc nomine propter figuram donatas, post nefandam venerem ano subcrecentes, quæ colore, figura, doloris absentia & causâ potissimum ab Hæmorrhoidibus discerni solent. Cæcæ Hæmorrhoides internæ dolore & molestâ alvi depositione noscuntur; intromisso in ano digito aliquandò tanguntur, aut rectum violentâ contractione extrâ productum visui eas exponit.

Sanguinem ex Hæmorrhoidibus apertis exire dignoscitur, cum antè vel post dejectionem, aut si unâ tantum adhærens sed non permixtus excernitur. In tenesmo frequens & inutilis adest desidendi cupiditas & post multos conatus mucosa atque cruenta materia parcè ejicitur. In dysenteria dolores & tormina abdomen infestantia materiæ liquidæ & cruentæ

excretionem præcedunt. Hæmorrhoides verò fœcum consistentiam nec excernendi tempus vitiant, & dolor in ano exitum quærentibus producitur. Si sanguis assiduè per anum distillet à fluxu ab Antiquis hepatico dicto discernetur, quia sanguis Hæmorrhoidalis guttatim per aliquot dies prægresso dolore excernitur: in fluxu hepatico alternis tantùm vicibus absque prægresso dolore dejicitur, & præterea sanguis effluens loturæ carnis similis est.

PROGNOSIS. Cæcæ Hæmorrhoides, externæ potissimum, sæpiùs periculo vacant, sed dolore agros identidem molestant; nonnunquam tamen ob humorum quantitatem, motum aut acrimoniam vel intempestivam remediorum applicationem tumentes Hæmorrhoides gangrenâ corripiuntur, vel in ulcera cancrosa & fœtida mutantur, quæ puris copiâ aut acritudine partes vicinas lædendo, fistulam tandèm accersunt. Hæmorrhoides moderatæ & convenienti tempore fluentes à multis morbis hominem præservant, & à præsentibus liberant; ita docente Hipocrate Aphor. XI. Sect. VI. *Melancholicis & Nephreticis Hæmorrhoides supervenientes bonum.* & Aphor. XXI. ejusdem Sectionis, sic loquitur; *Insanis si varices aut Hæmorrhoides supervenerint Mania fit solutio.* Verùm quàm salutaris & utilis quibusdam sit per venas Hæmorrhoidales facta purgatio, certò probant damna quæ huic purgationi suppressæ superveniunt, ut Asthma, viscerum obstructions, Phtisis, Anasarca, quæ cernens Hipocrates prudenter monuit non semper currandas Hæmorrhoides, sic enim loquitur Aphor. XII. Sect. VI. *A diuturnis Hæmorrhoidibus curato nisi una quæpiam servetur periculum est, ne aqua inter cutem & tabes subsequantur.* Hæmorrhoidum immoderatè fluentium eadem ac Hæmorrhagiarum esto prognosis.

CURATIO. In omni Hæmorrhoidum insultu æger animi motus corporisque nimia exercitia vitet, diætâ humectante & refrigerante utatur, quò enim sanguis magis diluitur atque temperatur eò faciliùs infartus venarum Hæmorrhoidalium tollitur, libera sit alvus, excrementa mollia, quoniam diutiùs retenta sanguinem liberè ex ano redire non sinunt, & indurata dùm exeunt Hæmorrhoides irritant. Attamen diversis Hæmorrhoidum speciebus varia curandi methodus convenit. Tumentes Hæmorrhoides & non fluentes multùm dolent, inflammatis sæpè gangrena imminet; dolor narcoticis & anodynis mitigatur. Externis dolentibus & cæcis feliciter applicantur unguentum populeum, rosaceum, album rhasis, lac tepidum, aquæ bellilucanæ, internis clysteres anodynii lacte decocto hordei & oleo amygdalarum dulcium parati aliquandò medentur. Si tamen ita tumeant ut clysterum injectioni obstant, lac aut oleum amygdalarum dulcium, tincturâ opii aut laudani opii aliquot granis additis clysteri minori in anum intrudantur. Interim venam seca, cremores hordei, orysæ aut juscula pulli refrigerantia interiùs præscribe, tùm ad sanguinem imminuendum, tùm illum dilvendum & temperandum; dùm externæ Hæmorrhoides inflammatæ tument & gangrenæ periculum imminet, anodynis & narcoticis frustra in usum vocatis varices deple

hirudinum applicatione nec ad potentiora resolyentia confugies; quæ sæpè eas exulcerant & ani fistulam accerfunt.

Hæmorrhoidibus immoderatè fluentibus diætam convenientem; corporis & animi quietem, clysteresque anodynos præscribe; cave ne sanguinem fluentem fistas in corpore præsertim cacochymico, quoniam natura quæ in hoc emunctorio inutili quâdam humorum portione identidem se se exonerat, onus quo gravaretur in partibus interiùs cum ægrotantis damno forsàn deponeret. Si tamen sanguis ex se non sistatur sed immodicè fluat ad absorbentia, adstringentia, narcotica, venæ sectiones confuge, quibus sanguinem præter modum fluentem retinere possis. Verùm omnibus remediis jam præscriptis sopitæ sed non perfectè curatæ Homorrhoides iteratis vicibus recrudescunt. Quoniam portio venarum laxa & varicosa non tollitur; quapropter dùm eas curandi perfectè est animus modo non sint in corpore cacochymico vel alicui evacuationi non suppleant, tunc absque ullo ægrorum periculo dùm non multùm dolent nec tumet operatione Chirurgicâ radicitùs auferri possunt, cicatrix quæ vulnus artefactum consequitur firma & solida, venarum tonum ita corroborat ut sanguini exeundi impofterum non facile fuerit. Unde concludo.

ERGO Hæmorrhoidibus in-veteratis operatio Chirurgica.

DISPUTATURI.

PROFESSORES REGII.

R. D. Franciscus Chicoyneau *Cancellarius & Index.*

R. D. Joannes Bezac *Prodecanus.*

R. D. Petrus Chirac.

R. D. Petrus Magnol.

R. D. Antonius Deidier.

R. D. Petrus Rideux.

R. D. Antonius Magnol *Patris Coadjutor.*

R. D. Jacobus Chastelain *Patris Coadjutor.*

Doctores Aggregati.

R. D. Joannes Henricus Haguenot.

R. D. Joannes Henricus Haguenot *Patris Coadjutor.*

Doctores Ordinarii.

M. Joannes Pelerin.

M. Eustachius Marcot.

M. Jacobus Lazerme.

M. Antonius Fizes.

M. Antononius Franciscus de la Meslangere.

M. Michaël Isambert.

MONSPELII,

Apud HONORATUM PECH, Regis, Universitatis, Cleri
& Urbis Typographum. 1714.



Ornatissimo Eruditissimoque Domino D. J A C O B O
MATHULON Apollinarem Lauream Ambienti.

A N A G R A M M A.

JACOBUS MATHULON LUGDUNENSIS
VALEAT DIGNUS CONSUL OMNIBUS.

I N C I P E *promeritas Medicinæ carpere Lauros ?*

Nunc certam pandunt Prælia Docta viam,

Semper Honos, Nomenque tuum, Laudesque manebunt,

Gloria mōx vires Noscet adesse tuas.

Tu DIGNUS CONSUL jām diceris OMNIBUS idem

Cū VALEAT Nomen, certius omen erit.

Hoc posuit in Amicitia perennis
testimonium PETRUS STEPHANUS
BERGET Arbosiensis apud
sequanos. Medic. Baccal. & Uni-
versitatis Consiliarius.